

Na osnovu člana 23., člana 28. stav 2. i člana 62. stav 3. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00, 5/03 i 8/04), Skupština Bosansko-podrinjskog kantona Goražde na _____ redovnoj sjednici održanoj dana _____ 2021. godine, **u s v o j i l a j e:**

**AMANDMANE XLIX- LXXII
NA USTAV BOSANSKO-PODRINJKOG KANTONA GORAŽDE**

A M A N D M A N X L I X

U članu 2. stav 2. riječi „Općine Goražde“ zamjenjuju se riječima „Grada Goražde“.

A M A N D M A N L

U članu 3. iza riječi „Kantonu“ stavlja se zarez i dodaju riječi „Gradu Goražde“.

A M A N D M A N L I

U članu 5. stav 1. mijenja se i glasi:

„Teritorij Kantona obuhvata Grad Goražde i općine Foča u Federaciji BiH i Pale u Federaciji BiH, čija su područja utvrđena zakonom Federacije“.

A M A N D M A N L I I

U članu 13. stav 1. riječi: „Ombudsmenu Federacije“ brišu se.

A M A N D M A N L I I I

U članu 19. u stavu 1. iza riječi „prenositi na“ dodaju se riječi „Grad Goražde i“.

A M A N D M A N L I V

U članu 23. tačka k) iza riječi „Kantona na“, dodaju se riječi „Grad Goražde“ i stavlja se zarez.

A M A N D M A N L V

U članu 24. stav 3. iza riječi „konstitutivnih naroda“ dodaju se riječi „i Ostalih“.

U članu 24. stav 5. iza riječi „konstitutivnih naroda“ dodaju se riječi „i Ostalih“.

U članu 24. stav 6. riječ „Tri“ zamjenjuje se riječju „Četiri“.

A M A N D M A N L V I

U članu 24. dodaje se novi stav koji glasi:“Ukoliko kandidati koje je potvrdila Skupština Bosansko-podrinjskog kantona Goražde ne mogu odlučiti ko će, između njih, biti

predsjedavajući, o tome će odluku donijeti Skupština Bosansko-podrinjskog kantona Goražde većinom glasova od ukupnog broja poslanika.“

A M A N D M A N L V I I

U članu 26. riječi „i neće se povećavati niti smanjivati tokom izbornog mandata, osim za prilagodjavanje troškova života“ se brišu.

A M A N D M A N L V I I I

U članu 28. stav 2. tačka c) iza riječi „nadležnosti na“ dodaje se riječ „gradsku“ i stavlja se zarez.

A M A N D M A N L I X

U članu 28a. stav 2. iza riječi „konstitutivnih naroda“ dodaju se riječi „i Ostalih“.

U članu 28a. stav 4. iza riječi „konstitutivnih naroda“ dodaju se riječi „i Ostalih“.

A M A N D M A N L X

U članu 28b. stav 1. iza riječi „konstitutivnih naroda“ dodaju se riječi „i Ostalih“.

U članu 28b. stav 2. iza riječi „konstitutivnog naroda“ dodaju se riječi „ili Ostalih“.

A M A N D M A N L X I

U članu 35. u tački f) iza riječi „stanovništva Kantona“ stavlja se zarez i dodaje riječ „Grada Goražda“.

A M A N D M A N L X I I

U članu 36. stav 2. riječ: „stane“ zamjenjuje se sa riječi: „sastane“.

A M A N D M A N L X I I I

U članu 38. stav 2. riječ: „kantona“ se briše.

A M A N D M A N L X I V

U članu 39. stav 2. riječi „Visoko sudsko i tužilačko vijeće Federacije Bosne i Hercegovine“ zamjenjuju se riječima: „Visoko sudsko i tužilačko vijeće Bosne i Hercegovine“, a riječ: „Federaciji“, zamjenjuje se sa riječima: „Bosni i Hercegovini“.

A M A N D M A N L X V

U članu 44. stav 1. riječ: „kantona“ briše se.

A M A N D M A N L X V I

U članu 45. stav 1. riječi „Visoko sudsko i tužilačko vijeće Federacije“ zamjenjuju se riječima: „Visoko sudsko i tužilačko vijeće Bosne i Hercegovine“.

U članu 45. stav 2. riječ: „Federacije“ zamjenjuje se sa riječima „Bosne i Hercegovine“.

A M A N D M A N L X V I I

U članu 54. tačka b. briše se.

A M A N D M A N L V I I I

U članu 56. stav 1. riječi „koga bira Općinsko vijeće“ zamjenjuje se sa riječima „koji se bira u skladu sa zakonom“.

A M A N D M A N L X I X

U članu 57. stav 3. riječi „Visoko sudsko i tužilačko vijeće Federacije“ zamjenjuju se riječima: „Visoko sudsko i tužilačko vijeće Bosne i Hercegovine“.

A M A N D M A N L X X

U članu 62. stav 1. iza riječi: „mogu predlagati Vlada Bosansko-podrinjskog kantona Goražde“ dodaju se riječi: „klubovi poslanika, klubovi naroda“.

A M A N D M A N L X X I

Iza Poglavlja IV, dodaje se novo Poglavlje V koje glasi: “Položaj Grada Goražda”, a dosadašnja Poglavlja V, VI, VII i VIII, postaju Poglavlja VI, VII, VIII i IX.

A M A N D M A N L X X I I

U Poglavlju V dodaju se novi članovi 50., 51. i 52. koji glase:

Član 50.

Obrazovanje Grada Goražda

Na području Kantona obrazuje se Grad Goražde (u daljem tekstu: Grad) kao jedinica lokalne samouprave koja je uspostavljena zakonom, a predstavlja stanovništvo Grada, štiti njihov interes i promovira razvoj.

Teritoriju Grada čine sva naseljena mjesta koja su se prema evidenciji Federalnog zavoda za statistiku nalazila u okviru Općine Goražde.

Član 51.

Nadležnost Grada

Nadležnost Grada proizilazi iz statuta kao jedinice lokalne samouprave.

Statut Grada mora biti u skladu sa Ustavom Federacije Bosne i Hercegovine, ovim Ustavom i zakonom.

Vlastite nadležnosti Grada su:

- a) osiguranje i zaštita ljudskih prava i osnovnih sloboda u skladu sa ustavom;
- b) donošenje budžeta Grada i organizovanje efikasne gradske uprave prilagođene potrebama Grada;
- c) donošenje programa i planova razvoja Grada i stvaranje uslova za privredni razvoj i zapošljavanje, rad dobrotvornih organizacija i unapređenje turizma;
- d) utvrđivanje i provođenje politike planiranja i uređenja prostora i zaštite okoliša na teritoriji Grada i rješavanje u upravnom postupku u oblasti građenja, u skladu sa zakonom;
- e) utvrđivanje politike korištenja i utvrđivanje visine naknada za korištenje javnih dobara od interesa za Grad, upravljanje prirodnim resursima od značaja za Grad i raspodjela sredstava ostvarenih po osnovu njihovog korištenja;
- f) upravljanje i raspolaganje imovinom Grada;
- g) upravljanje, finansiranje i unapređenje djelatnosti objekata komunalne infrastrukture:
 - 1) gradska groblja;
 - 2) mostovi od posebnog značaja za Grad;
 - 3) gradska ulična rasvjeta;
 - 4) gradski parkovi;
- h) odlučivanje o raspolaganju stanovima u vlasništvu Grada i visini zakupnine za korištenje stanova koji su u vlasništvu Grada, propisivanje pravila održavanja reda u stambenim zgradama na području Grada, obezbjeđivanje sredstava za radove radi zaštite objekata od kulturno – istorijskog značaja na području Grada, uređivanje i obezbjeđivanje korištenja poslovnog prostora kojim upravlja Grad, utvrđivanje visine naknade za korištenje poslovnih prostora u vlasništvu Grada i vršenje nadzora nad njihovim korištenjem;
- i) određivanje imena ulica i trgova;
- j) donošenje propisa o uslovima, izgradnji i održavanju spomenika, spomeničkih i sličnih obilježja na području Grada;
- k) osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta od značaja odnosno posebnog interesa za Grad;

- l) utvrđivanje osnova zajedničke politike razvoja kulture, fizičke kulture, sporta, odmora i rekreacije građana na području Grada i organizovanju kulturnih i sportskih manifestacija i sportskih manifestacija i sportskih takmičenja od značaja za Grad;
- lj) analiza stanja javnog reda i mira, bezbjednosti ljudi i imovine, te predlaganje mjera prema organima nadležnim za ova pitanja;
- m) donošenje propisa o porezima, naknadama, doprinosima i taksama iz nadležnosti Grada;
- n) uspostavljanje i vršenje inspekcijskog nadzora nad izvršavanjem propisa iz vlastitih nadležnosti Grada;
- nj) raspisivanje referenduma za područje Grada;
- o) raspisivanje samodoprinosa, javnog zajma i odlučivanje o zaduženju Grada;
- p) osnivanje i obezbjeđivanje uslova rada gradskih radio i TV stanica, štampanih glasila i drugih sredstava javnog informisanja;
- r) podsticanje razvoja civilnog društva;
- s) zaštita životinja.

Obavljanje pojedinih poslova iz stava 4. ovog člana Grad može, u skladu sa zakonom, povjeriti ustanovama, privrednim društvima, drugim pravnim licima i obrtnicima.

Član 52.

Struktura vlasti u Gradu

Grad ima Gradsko vijeće.

Broj vijećnika, procedura izbora i dužina trajanja mandata gradskih vijećnika se utvrđuje Statutom Grada, u skladu sa Zakonom.

Gradske vijećnike biraju, demokratskim putem, birači na neposrednim i tajnim izborima na cijelom području Grada na način utvrđen Zakonom.

Mandat članova Gradskog vijeća je 4 godine.

Gradsko Vijeće:

- a) priprema i dvotrećinskom većinom usvaja Statut Grada;
- b) donosi budžet Grada;
- c) donosi propise u izvršavanju vlastitih nadležnosti i prenesenih ovlaštenja;
- d) vrši druga ovlaštenja utvrđena ustavom, zakonom i Statutom Grada.

Način odlučivanja Gradskog vijeća utvrđuje se Statutom Grada.

Grad ima gradonačelnika, koji se bira u skladu sa zakonom. Mandat gradonačelnika traje 4 godine.

Gradonačelnik je nadležan za:

- a) provođenje gradske politike i izvršavanje gradskih propisa, kao i prenesenih nadležnosti;
- b) imenovanje i smjenjivanje državnih službenika i nameštjenika;
- c) osiguranje saradnje državnih službenika i namještenika s ombudsmenima;

- d) podnošenje izvještaja Gradskom vijeću i javnosti o provođenju gradske politike;
- e) vrši i druga ovlaštenja utvrđena zakonom i Statutom Grada.

Gradski organi osnivaju se u skladu sa Zakonom kojim se uređuje organizacija uprave u Federaciji Bosne i Hercegovine.

Broj: _____

Goražde, _____

PREDSJEDAVAJUĆA SKUPŠTINE

Aida Sirbubalo